



UNIVERSITÄTS-
BIBLIOTHEK
PADERBORN

Universitätsbibliothek Paderborn

Hymni Ecclesiastici Novo Cultu Adornati

Clairé, Martin

Parisiis, 1676

Commune Confessorum Pontificum.

urn:nbn:de:hbz:466:1-12077

COMMUNE
CONFESSORUM
PONTIFICUM.

*AD VESPERAS,
& Matutinum.*

PONTIFEX cleri, populique nor-
ma,
Pervigil Pastor gregis in salutem,
Cui tegit sacrâ radiata flammâ
 Infula frontem.

Qui choris junctus superum beatis,
Nos viam tecum cupis ire rectam;
De tuis nostram bonus usque factis
 Instrue vitam.

Tu juvas dextrâ miseros potenti;
Nam Deus per te simul ac vocatur,
Qui diu morbis jacuere fracti
 Restituuntur.

Hinc tibi justum referens honorem
Et sacri cultus studium perenne,
Hæc tuum sperat pia plebs favorem
 Tempus in omne.

ECCLESIASTICI. 93

Sit Deo soli decus æviternum,
Qui super cœli résidens cacumen,
Jugiter trino celebratur unum
Nomine Nūmen. Amen.

AD LAUDES.

Jesu, redemptor omnium,
Audi tuorum cantica,
Qui voce dicunt publicâ
Antistitis præconium.
Hic est, tui qui nominis
Confessione claruit,
Qui sanctitate floruit,
Astus triumphans dæmonis.
Qui sprevit alto pectore
Sortis caducæ præmia,
Et blanda mundi gaudia,
Toto potitur æthere.
Fac ejus ad vestigia
Gressus vagos nos figere;
Tuo fugare munere
Omnis mali contagia.
Jesu, supreme præsumum,
Tibi sit omnis gloria
In sanctitatis curia
Per omne semper sæculum. Amen.